

LIX CONCILIVM PROVIN. COLONIEN.

Inter sacra nihil ne cogitandum quidem, quod dei aut eccl^{ie} oculos offendat. Cap. VI.

LOnge vero abominabile est, quod quidā tum, cum diuina aguntur, inter se de rebus prophanis tractant, missationes, colloquia, risus & canticos intermiscent. Quidam aut in aliquem chori angulum se recipentes, de nugis, ne quid grauius dicamus, commentantur, aut foris per templum magno cum populi offendiculo deambulantes, oculos pariter & aures ad vanitatem conuertunt, atque sacra loca feedant, positi in lapideum offensionis & petram scandali. Hac lege nullum excipimus, siue claris sit natalibus progmati, siue plebeius, Quin potius, qui genere praestant, meminerint se illic canonicos agere & conuersari non in aulis, sed in scholis virtutum ac ecclesiastice disciplinae.

Decani templi summi potestas in praevaricatores. Cap. VII.

FAcimus quoque Decano ecclesiae nostrae potestatem, personas ecclesiasticas ex alijs collegiatis ecclesiis, interdum magis curiositate rerum novarum, quam devotionis causa ad templum summum se recipientes ac inibi praeter omne decorum, sepe etiam ecclesiastico habitu non amicti, inter laicos sursum ac deorsum inambulantes, pena canonica, nimirum suspensio-nis temporarie, aut maiori etiam pro ratione culpe coercendi.

Quem oporteat esse vestitum ministrantium in hisce ecclesiis. Cap. VIII.

DE vestitu clericorum ante diximus, qui in his tanto debet esse decentior. Agatēn. 20
Agatēn. 20
Hono. iij. c.
ex parte, de
privil. & ex
ces. privileg.
Sunt ergo chorū ingredientibus vestis talaris, sunt pilei (quæ bireta vocamus), sunt camisiae, sunt denique calcei pariter & caligae tales, in quibus non fastus, jactantia, elationis vitium, vel mentis levitas, sed clericalis ordinis honestas & modestia deprehendatur. Siquidem ita semper visum est maioribus nostris, externum habitum quid intus crepet, designare, Adeo ut & leges ciuiles iniuriam, matronae, habitu meretriceo vtenti, illatam, non vindicent, ac Canones clericum non alligatum coniugio, habitum ac tonsuram clericales deserentem, post tertiam monitionem, clericum vero coniugatum statim priuilegio exuant clericali, Adeo ut sic in maleficijs deprehensi ani- maduersionem ciuilium magistratum non euadant. Ne autem posthac quispiam excusationem non facta aut praeuixa monitionis praetexat, hac nostra synodali constitutione omnes (quotquot sunt in nostris diocesisibus constituti) clericos qui habitu minus decenti vtuntur monemus, ut intra tres menses, quorum singulos pro singulis dilationibus, tertiam vero vti peremptorium terminum præfigimus, habitum qui clericos deceat, reassumant,

Alio-